

مجموعہ ابوالضیا

ماہِ وا شاہہ سندن دلی طہیرہ چالش
پر توحکمت و عرفان ایلہ تصویرہ آتش

علوم و معارفدن بحث ایدرہ و ہر ماہ عربی انتشارلہ اون ہشندہ شہر اول نورفتون غزنیہ سیدرہ

نومرو ۱۴ - جلد ۲ [فی ذی الحجۃ ربيع الآخر سنہ ۱۲۹۸] نسخہ سی ۳ فروش

بر پول شیشه‌یه قونوبده آغزی مهرلنرك، برقاج كون ضیای شمشه عرض
اولنسدیغی حالده شیشه‌ده کی صویك درونسنده حیوانات مذکوره دن
میلیونلره مخلوق وجوده کلدیکی خرده بین ایله مشاهده اولمشدر.

سبحان من تحیر فی صنعہ العقول !

سبحان من بقدرته یعجز الفحول !

بحر یه شایطانتندن
احمد

اویوز بوجکی

جرب (۱) علتنه گرفتار اولانلرك جلدلری اوزرنده اوقاجق
بوجکی ابتدا بدنچی عصر هجری اطباسندن (ابن الزهیر) اندلسی کشف
ایلمشدر . بو طبیب نامدار کوز ایله مشاهده سی همان قابل اولمیه جق
درجه‌ده ناچیر اولان و بشره نك آلتنه کومولن بو حیوانجنی ظاهره
اخراج ایچون اویوز اولان محله بر اوافق « فتحه » آچدی و برنجی
دفعه اوله رق، کشف ایتدیکی بو بوجکه (ضم سین ایله) سعاب نامنی
ویردی که لاتینجه سی (آقاروس) در .
مؤخرأ اوروپا اطباسی بو حیوان حقننه مدققانه تحریات و مطالعاته
کیرشمشدر؛ و سبب حدوث و حیاتی حقننه بر خیلی معلومات ویرمشدر .

توهم و تخلیك صحته تأثیری

وهم و خیالك صحت و عافیتی محافظه‌ده و بالعکس صحت و عافیتی
اخلالده و خاصه یکیدن خسته لکله تولید و صدوری خصوصنده پکیوک
دخل و تأثیری واردر .

زیرا وهم و خیالك نتایجی اولدرجه و خیم و خطر ناکدر که انسا-
نك حواس عمومیه سنی تمامیه غائب ایتدیره بیلیر . توهم و تخیل خسته لغنه

کرفتار اولانلر اعمال فکر و ملاحظہ یہ قدر تیاب اولمزلر؛ دوشندکلی شی
یالکر خیالخانہ و ہمدہ وجودینہ قائل اولدقلری علت، مادہ، موہومہ دن
عبارت اولدیغی جہتلہ قوای عقلیہ و ملکات ذہنیہ لری ضلالت عظمی
حالندہ و دہا طوغریسی شعور لری حال اختلالدہ در .

توہم و تخلیک آنار مضرہ سی امراض مستولیہ دنیلان صالغین خستہ۔
لقار زمانندہ پک چوق کوریلور . صالغین خستہ لق احکام عمومہ سنی
اجرا و پیکلرجہ آدمی عدم آباد فنیہ اسرا ایلدیکی جہتلہ بویلہ زمانلردہ
هرکسک ذہنی اولوم قورقوسی استیلا ایدر . بناء علیہ اوہامہ تبعیتدہ
استعداد ذہنیسی اولانلر بودملردہ اشتغالات معتادہ لری ترک ایلہ دقیقہ
بدقیقہ اولومہ ترقب و انتظاردہ بولنورلر .

ایستہ صالغین و یاخود متفرق خستہ لقلرک اجرای احکامی صرہ سندنہ
قورقاق آدملر فوق الغایہ خوف و تلاشہ دوشزلر؛ و خواب و حضوری
بسبتون ترک ایدزلر . و چونکہ ذہنلری تمامیلہ مختل اولمش اولدیغندن،
کویاکہ اوصالغین خستہ لغہ و یاخود توہم ایتدکلی بشقہ بر علتہ کرفتار
اولمش اولدقلرینسہ قطعاً حکم ایدزلر . بونک اوزرینسہ کیچہ کوندوز
ذہنلری دوشمنکہ حصر ایلدکلرندن . دوشندکچہ خوف و خلجانلری کسب
افزایش ایدر . خوف و خلجانک تزیادی ایسہ قوا و حواسی بتون بتون
پورہ رق، وجودی صاغ ایکن خستہ ایدر . بکزی صولار؛ درمانی کسیلر .
اعصابی کوشلر . بویلہ آدمار ایسہ متصل وجودلری دیکلہ مکہ و مشاہدہ
و معاینہ یہ منہک اولدقلرندن آن بان هر بر حالندہ برکونہ علامت مرض
کور دیکنہ قائل اوله رق، فکر لری خستہ لغک اوزرینسہ صاپلانلر قالیر .

اگر متوہم اولان کیسہ پک زیادہ قورقش و کندیسنک علل و امر ا۔
ضدن سالم بولندیغی حقندہ ابراز اولنان دلائل فنیہ یہ وجود و براماش
ایسہ تخیل ایتدیکی خستہ لغہ بای حال کرفتار اولور .

چونکہ دوشنہ دوشنہ قان عضوک اوزرینسہ طوپلانلر؛ والحاصل
اگر چکدن خستہ اولوب، یتاغہ یانیر .

عوامدن بعضاری خسته لقند پک زیاده قورقدقلاری کبی، هنوز تحصیلده بولان طلبه فن طب دخی قلب خسته لقلرندن فوق الغایه خوف وتلاش ایدرلر . از جمله امتحانک طلبه یه بخش ایلدیکی خوف واندیشه قلباره داعی خلجان اولدیغی جهتله بو حالده بولان مکتبیلار عصبی بر علت قلبیه یه یاخود حفاق صندری دنیلان غایت راحتسز بر علت عصبیه یه کرفتار اولدقلرینه قناعت کامله ایله حکم ایدرلر . هله برار او کورمک ویاخود آغزلرندن بر قاقچ طمله قان کلک ورمه مبتلا اولدقلرینه کندیلرنجه مدار حکم اولغه وتلاشلرینک آرتققلغنه سبب کافی اولور . ویا لکن بو علتلرک دکل خیالخانه او هامده وجود بولان سائر علل وخیمه نک دخی کندیلرینی درآغوش ایلدیکنه حکم قطعی ویریلور .

توهمک شفا اورزینه تأثیری

مشاهیر اطبادن دو ققور (هرویق) نقل ایدرکه :

« بر کون بکا بر کوبلی کلهرک، انقباضندن بحمله مسهل ایستمش ایلدی . بنده بر کاغده بر مسهل رچته سی یازدم و « بونی آلا جقسک » دیه بدینه ویردم . زیرا علاج ایستیان بر حریفک بر اجزاجی به مراجعتی و علاج یاپان بر اجزا . جینک عوام خواصدن اولسون - هر شخصه نه بولده استعمال ایلنه جکینی تعریف اتمکلی بنجه مقرر اولدیغندن، حریفه (شویله، بویله ایت) کبی ایضاحات اعطاسنه لزوم کورفامش ایدم .

بو حریف بندن رچته بی آلدیغی کبی طوغری کوبنه کیدر؛ و بناغنه کیروب، کاغدی برار صوایله ایصلاده رق یودار! بر قاقچ ساعت صکره مسهل زومندن زیاده حکمنی اجرا ایدر .

آره دن بر قاقچ آی مرورندن صکره بر کون بزم کوبلی یشه کلدی . و کاغذک صورت استعمالی بیان ایله پک قوتلی بر سور کون علاجی اولد . یعنی ستایشده بولنه رق، بردانه ده ا یازمقلغمی طلب ایلدی . جواباً « پکی !